



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA SUPREME E KOSOVËS
VRHOVNI SUD KOSOVA – SUPREME COURT OF KOSOVO

Numri i lëndës: 2023:014079
Datë: 16.02.2024
Numri i dokumentit: 05340867

C – IV. – 15 - 0722

Paditësi :

R M nga fshati P i Komunës së Lipjanit e numër personal....., Lipjan.

Kundër

E paditura :

Agjencia Kosovare e Privatizimit (AKP) me seli në Prishtinë, Rr. "Dritan Hoxha", nr.55, Lagja, "Lakrishtë" Prishtinë.

Për: Palët ndërgjyqëse.

Dhoma e Posaçme e Gjykatës Supreme të Kosovës (DhPGJSK) për Çështjet në lidhje me Agjencinë Kosovare të Privatizimit (AKP), me gjykatësin e vetëm, Agron Hoxhaj, me dt.16.02.2024, nxjerr këtë:

A K T V E N D I M

I. NDËRPRITET procesi gjyqësor në këtë çështje juridike kontestimore për shkak të vdekjes së paditësit, R M nga Lipjani.

II. Procedura e ndërprerë mund të vazhdohet kur trashëgimtari, apo kujdestari i pasurisë trashëgimore të paditësit ose përfaqësuesi i ri ligjor, e marrin përsipër procedurën.

Rrethanat Procedurale dhe Faktike :

Paditësi, me dt.30.04.2015, pranë Dhomës së Posaçme të Gjykatës Supreme të Kosovë (DhPGJSK), ka parashtruar padi kundër Vendimit, PRN052-0975 i dt.30.08.2013 të Autoritetit të Likuidimit (AL) pranë Agjencisë Kosovare të Privatizimit (AKP) e me të cilin i është refuzuar si e pa vlefshme kërkesa e paditësit për kompensimin e pagave të papaguara, në shumën prej 2,368.00 €, për periudhën nga viti 1997 deri në vitin 1999, nga Ndërmarrja Shoqërore (NSh) "Ferronikeli" me seli në Drenas (në likuidim). Paditësi ka kërkuar nga Gjykata që të priset Vendimi i Autoritetit të Likuidimit si i kundërligjshëm dhe të Detyrohet e paditura që paditësit t'ia paguaj të ardhurat personale të papaguara.

Pala paditëse e ka titulluar parashtresën si “ankesë”, mirëpo gjykata të njëjtën e konsideron si padi, në bazë të nenit 35 par.1 të Ligjit për Dhomën e Posaçme, e cila dispozitë bënë trajtimin e barabartë të parashtresave me të cilat bëhet “*nisja e procedurave*” pranë Dhomës së Posaçme, pavarësisht faktit se a quhen padi, kërkesa apo ankesa.

Gjykata me Urdhrin C-IV.-15-0722, të dt.13.10.2023, e ka urdhëruar paditësin që të bëjë pagesën e taksës gjyqësore në shumë prej 20 € (njëzet €) mirëpo në fletëkthesën e dt 25.10.2023, sipas postierit të postës lokale, është konstatuar se pala është i shpërngulur, gjykata edhe përmes tentimit të dytë ka urdhëruar paditësin për pagesë të taksës gjyqësore ku në fletë kthesën e dt.11.01.2024, është cituar se pala ka vdekur.

Me dt.26.10.2023, gjykata lejoji dorëzimin konstruktiv me publikimin në tabelën e shpalljeve të dokumenteve-shkresave të lëndës C-IV.-15-0722, e njëjta në tabelën e shpalljeve qëndroj nga dt.06.11.2023 deri me dt.21.11.2023.

Gjykata me dt.25.01.2024, ka kërkuar nga Komuna e Lipjanit, s'igurimin e të dhënave për paditësin, R M , ku sipas konstatimit të postierit të postës lokale është konstatuar se pala është e vdekur, andaj gjykata ka kërkuar nga Komuna si dëshmi, certifikatën e vdekjes.

Me dt.09.02.2024, Komuna e Lipjanit, i është përgjigjur kërkesës së gjykatës, duke ia dorëzuar certifikatën e vdekjes për këtu paditësin, R M nga Lipjani, ku edhe shihet se data e vdekjes, është dt.01.11.2020 në Lipjan, andaj gjykata në këtë çështje kontestimore ka vendosur që ta ndërpresë procedurën, meqenëse në këtë çështje nuk është paraqitur ndonjë trashëgimtar që ta vazhdojë procedurën gjyqësore në këtë çështje juridike kontestimore.

Arsyetimi ligjor:

Procesi gjyqësor në këtë çështje juridike, duhet të ndërpritet dhe atë për shkak të vdekjes së paditësit, R M nga Lipjani.

Në bazë të nenit 2 par.4 dhe nenit 77 par.1. pika 1.1 të Ligjit Nr.06-L-086 të Dhomës së Posaçme të Gjykatës Supreme të Kosovës (DhPGSJK), gjykata zbaton dispozitat procedurale të këtij ligji.

Procedura gjyqësore pran Dhomës së Posaçme të Gjykatës Supreme të Kosovës për Çështjet në Lidhje me Agjencinë Kosovare të Privatizimit (në vazhdim: Dhoma e Posaçme), është e rregulluar Ligjin për Dhomën e Posaçme të Gjykatës Supreme të Kosovës për Çështjet në Lidhje me Agjencinë Kosovare të Privatizimit (Ligji nr. 06/L-086, i publikuar në gazetën Zyrtare të Republikës së Kosovës, nr. 12/27, Qershor 2019), si ligj i veçantë.

Përveç kësaj, si ligj procedural i përgjithshëm zbatohet Ligji për Procedurën Kontestimore (Ligji nr.03/L-006), me ndryshimet dhe plotësimet e mëvonshme dhe se kjo çështje është definuar me Ligjin për Dhomën e Posaçme, neni 76, paragrafi 3, ku është theksuar, se: “*Në interpretimin dhe zbatimin e këtij ligji, kudo që është e nevojshme për të zgjidhur një çështje procedurale që nuk trajtohet mjaftueshëm me këtë ligj, Dhoma e Posaçme do të zbatojë mutatis mutandis dispozita përkatëse të Ligjit mbi Procedurën Kontestimore*”.

Po ashtu në nenin 277 par.1 pika a) të Ligjit për Procedurën Kontestimore (LPK), është e përcaktuar se: “*Procesi gjyqësor, ndërpritet kur pala ndërgjyqëse vdes ose e humbë zotësinë*”

procedurale”. Pastaj me nenin 280 paragrafi 1 të Ligjit për Procedurën Kontestimore (LPK), është e përcaktuar se :’’*Procedura që është ndërprerë për shkaqe të treguara në nenin 277 paragrafi 1 pika a) të këtij ligji do të vazhdohet gjykata i thërret palët*’’ derisa në nenin 19 të Ligjit Nr. 04/L-118 të dt.13.09.2012 për Ndryshimet dhe Plotësimet e Ligjit mbi Procedurën Kontestimore (LPK), është paraparë se :’’ *Neni 280 i ligjit bazik, paragrafi 4, togfjalëshi ”me propozimin e palës” fshihet nga teksti i ligjit*’’. Duke qenë se në rastin konkret, pasi që kjo gjykatë me Urdhrin e saj, C – IV. – 15 – 0722 të dt.13.10.2023, e ka urdhëruar paditësin që të bëjë pagesën e taksës gjyqësore në shumë prej 20,00 € mirëpo në fletë kthesën e dt 25.10.2023, sipas postierit të postës lokale, është konstatuar se pala është i shpërngulur, Gjykata edhe përmes tentimit të dytë ka urdhëruar paditësin për pagesë të taksës gjyqësore ku në fletë kthesën e dt.11.01.2024, është cituar se pala ka vdekur. Me dt.26.10.2023, gjykata lejoji dorëzimin konstruktiv me publikimin në tabelën e shpalljeve të dokumenteve-shkresave të lëndës, C - IV.- 15 - 0722, e njëjta në tabelën e shpalljeve qëndroj nga dt.06.11.2023 deri me dt.21.11.2023.

Gjykata me dt.25.01.2024, ka kërkuar nga Komuna e Lipjanit sigurimin e të dhënave për paditësi, R M nga Lipjani, ku edhe shihet se dt. e vdekjes, është dt.01.11.2020 dhe vendi i vdekjes në Lipjan, ku sipas konstatimit të postierit të postës lokale është konstatuar se pala është e vdekur, andaj gjykata ka kërkuar nga Komuna si dëshmi certifikatën e vdekjes, dhe se me dt.09.02.2024, Komuna e Lipjanit, i është përgjigjur kërkesës së Gjykatës, duke dorëzuar certifikatën e vdekjes për paditësin, R M n nga Lipjani, ku edhe shihet se datë e vdekjes, është data..., andaj gjykata në këtë çështje kontestimore, ka vendosur që ta ndërpres procedurën kontestimore, meqenëse në këtë çështje nuk është paraqitur ndonjë trashëgimtar, që ta vazhdojë procedurën kontestimore në këtë çështje juridike kontestimore.

Gjykata nuk i përjashton trashëgimtarët e paditësit që të marrin përsipër procedurën si dhe gjykata i udhëzon trashëgimtarët e paditësit që me rastin e propozimit të tyre mbi vazhdimin e procedurës, t’ia bashkangjesin edhe aktvendimin mbi trashëgiminë për të ndjerin, paditësin, R M nga Lipjani, e me qëllim që t’a dëshmojnë legjitimitetin e tyre aktiv pranë kësaj gjykate në rast të bërjes së propozimit për vazhdimin e procedurës së ndërprerë për shkak të vdekjes së paditësit në këtë çështje juridike kontestimore.

Prandaj nga ajo që u tha më lartë, gjykata ka vendosur si në dispozitiv të këtij aktvendimi e në bazë të nenit 9, 76 par.3 të Ligjit, Nr.06-L-086 për Dhomën e Posaçme të Gjykatës Supreme të Kosovës (DhPGJSK) lidhur me nenin 277 par.1 pika a) dhe nenit 280 par.1 të Ligjit të Procedurës Kontestimore (LPK) dhe nenit 19 të Ligjit Nr.04/L-118 të dt.13.09.2012 për Ndryshimet dhe Plotësimet e Ligjit mbi Procedurën Kontestimore (LPK).

DHOMA E POSAÇME E GJYKATËS SUPREME TË KOSOVËS **2023:014079, 16.02.2024**

Gjykatësi
Agron Hoxhaj

KËSHILLË JURIDIKE :

Kundër këtij aktvendimi mund të parashtrahet ankesë me shkrim në Kolegjin e Apelit të Dhomës së Posaçme dhe atë brenda **15 (pesë mbëdhjetë) ditëve** pas ditës së pranimit të këtij aktvendimi. Ankesa duhet të dorëzohet në bazë të nenit 9 par.6 të Ligjit për Dhomën e Posaçme të Gjykatës Supreme të Kosovës (DhPGJSK).